

Ձկնի անցանելոյ համաց այսմ հրովարտակի , քայքայեցաւ և անկաւ արտաքին որմն արեւմտեան վանաց Ս . Յակոբայ . միարանք ժամանակին իրրեւ ձեռն արկին զայն վերստին շինել և կանգնել , ընդ դէմ կայրն այլազգիք քաղաքին , և ոչ ետուն թոյլ նոցա առնել զոր կամէին , որոյ վասն հարկ եղև միարանաց զիր աղաչանաց մատուցանել առ Սուլթանն և առնուլ հրաման վասն այնր , որպէս եւ արարին իսկ . բայց սկիզբն հրովարտակիս 'ի հնու թեռնէ էր թերի :

Վարդապետք , քահանայք և սարկաւազունք Երուսաղէմի մատուցին զիր աղաչանաց յատեանս մեր , յորում ասէին՝ թէ ունիմք վանս Ս . Յակոբ , ուր ժողովին ուխտաւորք և այլք 'ի քրիստոնեայ ազգէն Հայոց , այժմ կործանեալ է որմն նորին , յորմէ հանդիպեցաք ծանր և մեծամեծ վնասուց յերեսաց դողոց և աւազակաց , և զշինութիւն նորին արգելին . Սուլթանն ետ Հրովարտակ 'ի Վհրայան ամսոյ , Վհ . (1339) և նոքա շինեցին զայն ըստ սուաջին կերպի :

Հարկահանք Եգիպտոսի բռնացեալ 'ի վերայ վանօրէից , տագնապէին զնոսա , խնդրելով հարկս և ցորեան . Հհանդուրժեալ միարանաց ազգ արարին գնեղութիւնս իւրեանց առ ազգայինս Եգիպտոսի , և Մարիամ անուն կին ոմն , փութաց օգնել նոցա որոյ որդին Յակոբ սիրելի լեալ էր յաչս Սուլթանաց , և առեալ Հրովարտակ 'ի Սուլթանէն , որ կօշի Մէլիք Աշրաֆ Սէյֆի և առաքեաց յԵրուսաղէմ , յորում պատուիրէ դատաւորաց և գործավարաց , և ամենայն ումեք , որք միանգամ տեսանիցեն զհրովարտակն , դադարիլ 'ի բռնութենէ , չալահանջել հարկս եւ ցորեան 'ի քրիստոնէից բնակելոց 'ի վանս Ս . Յակոբայ . եւ չհնարել նորանոր սովորութիւնս և զրկանս : Վերջին հատուածք բանից մտչեալ էր և եղծեալ , որով և թուականն պակասի :

Ի Պատրիարքութեան Երուսաղէմի Վասլի եպիսկոպոսի , այլազգի դռնապանք տաճարին Ս . Յարութեան պահանջէին հարկս 'ի ժողովրդոց եւ յեկեղեցականաց յեւանեւն և 'ի մտանեւն նոցա յեկեղեցին : Թէպէտ բազմիցս ջանացին քրիստոնեայք բառնալ զայդպիսի նեղութիւնս , սակայն